

ՊԱՏԵՐԱԶՄԻՑ ՎՆԱՍՈՒԱԾՆԵՐԻՆ ՕԳՆՈՂ ԿՈՎԿԱՍԵԱՆ ԿՕՄԻՏԵՏԻ Կ Ո Չ Ը

Կովկասի բնակիչներ,

Ոգու անօրինակ բարձրացումը թեւաւորուած տարածւում է լայնածաւալ Ռուսաստանի վրայով: Կապուած միանձն հոգով, հոգու միենոյն բռնկմամբ՝ Ռուսաստանի ժողովուրդները անհղօրէն ոտքի ելան. Թագաւոր Կայսեր կոչից՝ պաշտպանելու հայրենիքը և նրա պատիւը թշնամիներից, որոնք սուր են բարձրացրել իրանց դէմ:

Մեր հայրերը, ամուսինները, եղբայրները և զաւակները, մեր հայրենիքի զարդը, ամեն ուժեղը և լաւագոյնը գէնքը ձեռքին դուրս է եկել յետ մղելու թշնամիներին և յաղթելու նրանց: Իսկ մենք, քաղաքացիներս, որ տանն ենք մնացել, սիրով և գթութեամբ միաւորուած նոյնպէս պիտի ելնենք, որպէս մի մարդ, որպէսզի թեթեալ ենք պատերազմի աղէտները: Մեր պարտքը, մեր պարտականութիւնն է հոգ տանել թէ վիրաւոր և թէ հիւանդ զինուոր-
ների մասին և թէ նրանց՝ տանը մնացած՝ ընտանիքների մասին: Այդ բոլոր կարիքները անսահման բազմազան են և պահանջում են հսկայական միջոցներ և անձնական զոհաբերութիւններ:

Պատերազմի ներկայ պայմաններում վիրաւորուածների քանակը հսկայական կարող է լինել. կառավարչական բոլոր հիմնարկութիւնների և Կարմիր ծառի միջոցները չեն գոհացնի բոլոր վիրաւորներին:

Պատերազմի բեմից վիրաւորներին առանձնացնելու համար անհրաժեշտ է կառուցանել միանգամայն կահաւորուած հիւանդանոցներ և լազարէթներ այն վայրերում, որոնք հեռու են պատերազմի դաշտից. ապաքինւողների և քրօնիկական հիւանդութեամբ բռնուածների համար անհրաժեշտ են սանատորիաներ, որոնց կառուցումը Կովկասի համապատասխան վայրերում առանձնապէս կարևոր է:

Ձէնքի կոչուածների ընտանիքներին խնամելու վերաբերմամբ թէև կառավարութիւնը յանձն է առել ապրուստի միջոցներ մատակարարելու հոգար, սակայն սահմանուած չափերը հնարաւորութիւն են տալիս հայթայթելու միմիայն սնունդը: Անհրաժեշտ է

լրացուցիչ օգնութիւն այդ ընտանիքների կարիքների համար, հայթայթելով նրանց հազուատեղէն, իսկ անհրաժեշտ դէպքերում և ապաստարան: Այն երեխաների համար, որոնք զրկուած են ծնողներից, հարկաւոր են ապաստարաններ, որպէսզի աշխատելու հնարաւորութիւն տրուի մայրերին, անհրաժեշտ են ցերեկուայ ապաստարաններ, ճաշարաններ. անհրաժեշտ է վճարել երեխաների ուսման վարձը, հասցնել նրանց հազուատ և այլն և այլն: Գիւղական վայրերում, ուր զգացւում է աշխատող ձեռքերի պակասութիւն, հարկաւոր են կազմակերպութիւններ բերքը հաւաքելու: Թէ քաղաքներում և թէ գիւղերում պէտք է հոգ տանել միեւրոյնների, վառելիքի, փայտի և վառելանիւթի ներմուծման մասին և այլն:

Այս բոլոր պատերազմի հետ կապուած՝ կարիքներին զոհացում տալու համար, Կովկասում քաղ. ինքնավարութիւնների և հատարակական ու մասնաւոր կազմակերպութիւնների նախաձեռնութեամբ արդէն հիմնուել են և շարունակուում են հիմնուել օգնութեան զանազան կոմիտէներ: Այս բոլոր կառավարչական, հասարակական և մասնաւոր ձեռնարկութիւնները միացնելու և նրանց գործը թեթեւացնելու համար Կովկասեան Փոխարքայի կարգադրութեամբ կազմուել է պատերազմից վնասուածներին օգնող Կոմիտէտ, որի նպատակն է, բնաւ չը նիւղելով հասարակական և մասնաւոր նախաձեռնութիւնը և գործունէութիւնը, աջակցութիւն ցոյց տալ նրանց թէ զրամական միջոցներով այն գումարների սահմանում, որ կը ստանայ Կոմիտէտը իբրև նուիրատուութիւն, և թէ այդ կազմակերպութիւններին նիւթեր, բժշկական պարագաներ և միեւրոյններ մատակարարելով:

Այդ նպատակով Կոմիտէտը իր տեղական անդամ-ներկայացուցիչների միջոցով ցուցակագրում է հասարակական կազմակերպութիւնները, որոնք յանձն են առել օգնութեան նախաձեռնութիւնը, և հաւաքում է տեղեկութիւններ այն մասին, թէ որպիսի օգնութիւն է ցոյց տալի իւրաքանչիւր տուեալ կազմակերպութիւն: Միևնոյն ժամանակ Կոմիտէտը այդ կազմակերպութիւններին կամ մասնաւոր անձանց խնդիրքով բանակցութիւններ է վարելու բոլոր վարչական հիմնարկութիւնների հետ, բոլոր այն հարցերի վերաբերմամբ, որոնք կապուած են պատերազմից վնասուածներին օգնութիւն հասցնելու, և աջակցելու նրանց փութագոյն լուծման:

Այն դէպքերում, երբ Կովկասի առանձին վայրերում չը ձեռնարկուեն օգնութեան այն տեսակները, որոնք տեղական պայմանների համաձայն անհրաժեշտ պիտի նկատուեն, Կոմիտէտը հոգալու է համապատասխան վայրերում Կոմիտէտներ բանալը և օգնութիւն հասցնելը:

Առաջադրուած նպատակները իրագործելու համար Պատե-

բազմից Վնասուածներին Օգնող Կովկասեան Կօմիտէտը իր պատուաւոր նախագահ Ն. Կ. Մ. Կովկասի փոխարքայ Կոմս Ի. Ի. Վօրօնցօվ-Դաշկօվի անունից դիմում է համայն Կովկասի աղագրահայտեան, խնդրելով իրանց լուծման յատկացնել պատերազմից ֆնասուածներին օգնութիւն հասցնելու գործին:

Կօմիտէտը հաւատացած է, որ Կովկասը, մասնաւանդ իր ունեւոր դասակարգերով, լիակատար պատրաստակամութեամբ արձագանք կը տայ այդ մեծ կոչին և երկրի առատ նուիրատուութիւնները ցնծութեամբ կ'արձագանքուն Կովկասցի կուղիները սրտերում, հաւաստութիւն տալով նրանց, որ վիրաւորուելու և հիւանդանալու պարագայում մայրենի երկիրը կը ստեղծէ նրանց համար խնամք և ապաստան, իսկ տանը ֆնացած ընտանիքը կ'ապահովենցի և կը պատէ խնամքով ու սիրով:

Կօմիտէտի կազմը.— Պատուաւոր նախագահ՝ Ն. Կ. Մ. Կովկասի փոխարքայ Կոմս Ի. Ի. Վօրօնցօվ-Դաշկօվ, նախագահուհի՝ ստատս դամա Կոմսուհի Ն. Ա. Վօրօնցօվա-Դաշկօվա, փոխ-նախագահ՝ Պիտրիմ արքեպիսկոպոս—Վրաստանի էկզարխ: Անդամներ՝ գեներալ Միշլայիվսկի, Մեսրոպ եպիսկոպոս, հօֆմէյստէր Ն. Լ. Պետերսօն, տիկ. Ա. Ն. Միշլայիվսկայա, տիկ. Ա. Պ. Պետերսօն, գեներալ Ն. Ն. Իւզէնիչ, եգերմէյստէր Ն. Ֆ. Զունկօվսկի, նահանգապետ Ի. Մ. Ստրախօվսկի, ազնուականութեան պարագլուխ իշխ. Կ. Ն. Արխազի, բժ. Ֆիստնէր, անդրկովկասեան Մուֆթի և Շէյխ-ուլ-Իսլամ: Կօմիտէտի գործերը կառավարող Ալէքսանդր Ալէքսէյիվիչ Պաւլով (Պետ. ազգ. բանկի բաժանմունք, Головинский пр. д. № 19, տէլէֆօն 6—53): Կօմիտէտի գանձապահ՝ Թիֆլիսի Առևտրական բանկի գիրեկտօր Գ. Մ. Ծուրինեան (Թիֆլիսի Առևտրական բանկ, Штабная, 4, տէլէֆօն 1—92 և 6—48): Կօմիտէտի Փոխարքայի պալատում գտնուող պահեստի կառավարիչ՝ Իվան Պաւլովիչ Բարանով:

Վրամական նուիրատուութիւնները խնդրում է ուղարկել պատուաւոր նախագահի, նախագահուհու, փոխ-նախագահի, Կօմիտէտի անդամների, Կօմիտէտի գործերի կառավարչի և գանձապահի անունով: Իրերով նուիրաբերութիւնները խնդրում է յղել Փոխարքայի պալատում գտնվող պահեստը. իբրև նուիրատուութեան իրեր ցանկալի են հետեւեալները.—Տղամարդու շգործածված սպիտակեղէն, վերմակներ, բաշլղներ, կտաւ, քաթան, չիթ, շերտինգ, թաշկինակներ. կովկասեան փափուկ եւրոպական կտորից կօշիկներ, գուլպաներ, իսկ ուտեստի մթերքներից՝ թէյ, շաքար, կօնեակ, կարմիր գինի, կօնսերֆներ, գալէտներ, պաքսիմատ, բրինձ, շօկօլադ, կակաօ, սապօն, ծխախոտ, պապիրօսներ, բամբակ, փաթաթաններ, ջերմաչափեր և բժշկական պարագաներ:

Բոլոր բանակցութիւնները Կօմիտէտի հետ—պիտի վարուեն Կօմիտէտի գործերի կառավարիչ՝ պետ. ազնուական. հողային բանկի կառավարիչ Ալէքսանդր Ալէքսէյեւիչ Պաւլովի միջոցով (Գօլովինսկի պր. 19), որի անունով խնդրուած է յղել բոլոր նամակագրութիւնները:

ՀԱՇԻԻ

ԴՊՐՈՑԱԿԱՆ ՖՈՆԴԻ*)

	Ռ.	Կ.
200. Գրողնի քաղաքի ծխատէր վարդան քահանայ Տէր Սահակեանի միջոցով թ. 3513 հանգանակութեան թերթով	20	—
202. Երեանի փոխ-թեմակալ գերապատիւ Տ. Խորէն եպիսկոպոսի օգոստոսի 15-ի, թ. 1479 յայտարարութեամբ՝ հանգանակուած № 501 թերթով	4	53
№ 504 հանգանակութեան թերթով	7	20
№ 508 »	8	50
№ 519 »	2	—
№ 538 »	9	10
№ 572 »	10	12
№ 577 »	2	60
№ 581 »	3	—
№ 582 »	4	40
№ 583 »	3	15
№ 585 »	—	96
№ 586 »	1	40
№ 593 »	—	75
№ 598 »	1	—
№ 599 »	4	30
№ 603 »	4	03
№ 608 »	—	20
№ 611 »	3	—
№ 615 »	17	90
№ 616 »	50	—
№ 649, 081 »	1	02
№ 675 »	825	—

*) Տես այս տարուայ փետրուար—օգոստոս «Արարատ»